

PELITA BRUNEI

AKHBAR RASMI KERAJAAN NEGERI BRUNEI

DI-TERBITKAN PADA TIAP2 HARI RABU

TAHUN 21 BILANGAN 26

RABU 30HB. JUN, 1976.

1396 رابو 3 رجب

PERCHUMA



SUK MEMEREKSA BARISAN KADET AMDB

SETIA Usaha Kerajaan, Yang Berhormat Dato Seri Setia Awang Haji Abd Aziz bin Begawan Pehin Udana Khatib Dato Seri Paduka Awang Haji Umar ketika memeriksa barisan pasukan Kadet Askar Melayu Diraja Brunei di-Upacara Pembukaan Rasmi Hari Pelajar Sekolah Rendah dan Menengah Negeri Brunei 1976 yang telah diadakan di-padang besar Bandar Seri Begawan pada hari Ahad 20hb Jun yang lalu.

Mengikuti di-belakang (terlindung Y.B. Setia Usaha Kerajaan) ialah Pemangku Pengarah Pelajaran, Awang Ahmad bin Haji Jumat.

BANGSA YG BERHIMMAH TINGGI ADA-LAH YG DI-GALATI

BERAKAS.—Setia Usaha Kerajaan, Yang Berhormat Dato Seri Setia Awang Haji Abdul Aziz menekankan bahawa ketinggian nilai sa-suatu bangsa itu tidak cukup disandarkan semata2 kepada kekuatan senjata atau kerana kegarangan-nya tetapi hendaklah di-sertai dengan keolahan dan sifat2 yang berhimmah tinggi.

“Unsur2 kegalatan yang berasaskan sifat2 galat-menggalati ada-lah mempunyai tempat yang tertentu dalam siku-liku kehidupan sa-suatu bangsa itu”, jelas beliau.

Berucap di-upacara perbarisan tamat lathan rekrut2 Askar Melayu Diraja Brunei di-Perkhemahan Bolkiah di-sini pada Jumaat lepas, beliau menekankan lagi bahawa kita di-Brunei mempunyai asas2 yang tersendiri yang tidak harus di-abai pada memelihara

Lihat muka 12

PERSEKOLAHAN DLM. TAHUN TIGA PULOHAN

SISTEM SAMAN LAHIRKAN KESEDARAN BERSEKOLAH

KAMPONG BUNUT.— Menteri Besar Brunei, Yang Amat Mulia Pengiran Dipa Negara Laila Diraja Pengiran Abdul Momin bin Pengiran Haji Ismail bersabda bahawa kalau dahulu-nya, orang2 kita pernah di-saman kerana tidak mahu menghantar anak2 ka-sekolah, tetapi sekarang sistem saman sudah tidak ada lagi.

Sabda-nya, sekarang ini alhamdulillah, anak2 baru bukan sahaja kesemua-nya di-hantar ka-sekolah apabila umur mereka cukup bahkan mereka yang kurang umurnya satu atau dua bulan pun di-pajalkan jua untuk di-sekolahkan.

Ini menunjukkan satu keinsafan yang tinggi nilai-nya untuk pembangunan bangsa dan negara, sabda Yang Amat Berhormat itu.

Bersabda ketika merasmikan bangunan baru Sekolah Melayu Bendahara Sakam, Bunut Brunei II, pada hari Ahad lepas,

Yang Amat Berhormat itu mengucapkan tahniah yang setinggi2-nya kepada ibubapa dan penduduk di-kawasan ini di-samping meyakinkan yang Kerajaan Baginda Yang Dipertuan akan sentiasa berusaha sa-chara yang boleh untuk sama2 mengatasi masalah2 yang kita hadapi dalam bidang pelajaran.

“Pembinaan Sekolah Melayu Bendahara Sakam ini ada-lah salah satu daripada contoh yang nyata membayangkan kerjasama yang di-berikan oleh penduduk2 di-sekeliling kawasan ini serta tenaga2 yang telah di-hulorkan dan kesabaran yang sentiasa di-pelihara dan di-asoh.

“Mudah2an apa juga kemudahan2 yang dapat di-sediakan oleh Kerajaan Baginda Yang Dipertuan itu akan dapat sedikit sa-banyak memenuhi keperluan2 pen-

Lihat muka 12



Yang Amat Mulia Pengiran Dipa Negara Laila Diraja Pengiran Abdul Momin bersabda sa-belum merasmikan pembukaan bangunan baru Sekolah Melayu Bendahara Sakam.